

Na osnovu člana 41. Zakona o zdravstvenom osiguranju ("Službene novine Federacije Bosne i Hercegovine" broj: 30/97 i 7/02 /08), a u vezi sa Pravilnikom o uvjetima, načinu i postupku ostvarivanja zdravstvene zaštite za vrijeme boravka u inostranstvu („Službene novine F BiH“ broj: 31/02) i člana 22. Statuta Zavoda zdravstvenog osiguranja Unsko-sanskog kantona Upravni odbor Zavoda zdravstvenog osiguranja Unsko-sanskog kantona na svojoj sjednici održanoj dana 28.06.2013. godine donosi

ODLUKU O KORIŠTENJU ZDRAVSTEVNE ZAŠTITE UČENIKA/STUDENATA ZA VRIJEME ŠKOLOVANJA U INOSTRANSTVU

Član 1.

Ovom Odlukom uređuju se uvjeti, način i postupak korištenja zdravstvene zaštite osiguranih lica Zavoda zdravstvenog osiguranja Unsko-sanskog kantona koji se nalaze na redovnom školovanju u nekoj od država s kojima Bosna i Hercegovina ima potpisne međunarodne Sporazume o socijalnom osiguranju.

Član 2.

Učenici/studenti za vrijeme redovnog školovanja zdravstvenu zaštitu u državi školovanja koristit će na osnovu propisanih dvojezičnih obrazaca utvrđenih u skladu sa odredbama Ugovora o socijalnom osiguranju

Dvojezične obrazce iz stava 1. ovog člana Zavod zdravstvenog osiguranja će izdavati na način i postupak predviđen Pravilnikom o uvjetima, načinu i postupku ostvarivanja zdravstvene zaštite za vrijeme boravka u inostranstvu za školsku godinu.

Član 3.

Dvojezični obrazac iz člana 2. ove Odluke može se izdati samo uz izjavu koja će sadržavati obavezu osiguranog lica da će samo snositi troškove korištene zdravstvene zaštite ukoliko Zavodu zdravstvenog osiguranja Unsko-sanskog kantona inostrani nosioci osiguranja ispostavi fakture za korištenu zdravstvenu zaštitu, a Ljekarska komisija Zavoda utvrdi da se nije radilo o hitnom slučaju, odnosno, ukoliko dođe do zloupotrebe obrazca i korištenja prava na zdravstvenu zaštitu u obimu i periodu koji nije predviđen obrazcem.

Izjava iz stava 1. ovog člana obavezno sadrži potpis osiguranog lica (učenika/studenta) i roditelja/staratelja, brojeve njihovih ličnih karti, te ovjeru od strane notara, odnosno nadležnog organa uprave.

Član 4.

U slučaju zloupotrebe dvojezičnog obrazca dobivenog na način propisan ovom Odlukom, Zavod zdravstvenog osiguranja Unsko-sanskog kantona može zahtjevati nadoknadu štete od strane osiguranog lica.

Član 5.

O provođenju ove Odluke starat će se direktor Zavoda zdravstvenog osiguranja Unsko-sanskog kantona.

Član 7.

Ova Odluka stupa na snagu i primjenjuje se danom donošenja, a bit će objavljena na oglasnim tablama Zavoda i Poslovnica Zavoda kao i na web stranici Zavoda zdravstvenog osiguranja Unsko-sanskog kantona.

Broj: 01-37-3248 /13
Bihać, 28.06.2013. Godine



Predsjednik Upravnog odbora
Asmir Hadžipašić, dipl.ecc